



Broj: 16-12-16-2626-*8* /17  
I. Sarajevo, *01.06* 2017. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), člana 69. stav (2) tačka e) i člana 70. st. (1), (2), (3), (4) i (6) Zakona o javnim nabavkama („Službeni glasnik BiH”, broj 39/14), na preporuku Komisije I za nabavke za potrebe Državne agencije za istrage i zaštitu u 2017. godini, broj 16-12-16-2626/17 od 31.05.2017. godine, u postupku javne nabavke kancelarijskog namještaja za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### **ODLUKU**

o izboru najpovoljnijeg ponuđača za LOT 2 i LOT 3 i poništenju postupka nabavke za LOT 1 po konkurentskom zahtjevu za dostavljanje ponuda za javnu nabavku kancelarijskog namještaja za potrebe Državne agencije za istrage i zaštitu

#### **Član 1.**

Prihvata se preporuka Komisije I za nabavke za potrebe Državne agencije za istrage i zaštitu u 2017. godini broj 16-12-16-2626/17 od 31.05.2017. godine i ugovor o kupoprodaji kancelarijskog namještaja za potrebe Državne agencije za istrage i zaštitu dodjeljuje se i to:

- LOT 2 - nabavka kancelarijskih radnih stolova i kasete, ponuđaču „KRANING“ d.o.o. Puračić, ponuda broj 16-12-16-2626-3/17 od 09.05.2017. godine, za ponudenu cijenu 7.365,00 KM bez uračunatog PDV-a;
- LOT 3 - nabavka arhivskih drvenih ormara, ponuđaču „KRANING“ d.o.o. Puračić, ponuda broj 16-12-16-2626-3/17 od 09.05.2017. godine, za ponudenu cijenu 4.800,00 KM bez uračunatog PDV-a.

#### **Član 2.**

Poništava se postupak javne nabavke kancelarijskog namještaja za LOT 1 - nabavka radnih stolica za potrebe Državne agencije za istrage i zaštitu.

#### **Član 3.**

Ponuđač iz člana 1. ove odluke obavezan je ugovornom organu, u roku od pet dana od dana prijema ove odluke, dostaviti dokaz o ispunjavanju uslova iz tač. 3.1.1. i 3.1.3. Konkurentskog zahtjeva (original ili ovjerena kopija).

#### **Član 4.**

Prijedlog ugovora o kupoprodaji dostaviti će se na potpis izabranom ponuđaču, po proteku roka od 10 dana, računajući od dana od kada su svi ponuđači obaviješteni o izboru najpovoljnije ponude.

## Član 5.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

## Član 6.

Ova odluka objavit će se na web stranici Državne agencije za istrage i zaštitu, istovremeno sa upućivanjem ponuđačima koji su učestvovali u postupku javne nabavke.

## Član 7.

Ova odluka stupa na snagu danom donošenja.

## O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija) broj 16-12-16-2626-1/17 od 06.04.2017. godine, pokrenut je postupak javne nabavke kancelarijskog namještaja za potrebe Agencije, procijenjene vrijednosti 28.800,00 KM bez uračunatog PDV-a. Novčana sredstva za realizaciju navedene nabavke obezbijedena su u okviru budžetskih sredstava za 2017. godinu. Predmet javne nabavke podjeljen je na LOT-ove:

- LOT 1 - nabavka radnih stolica, procijenjene vrijednosti 15.980,00 KM, bez uračunatog PDV-a;
- LOT 2 - nabavka kancelarijskih radnih stolova i kasete, procijenjene vrijednosti 7.690,00 KM, bez uračunatog PDV-a;
- LOT 3 - nabavka arhivskih drvenih ormara, procijenjene vrijednosti 5.130,00 KM, bez uračunatog PDV-a.

Komisija I za nabavke za potrebe Agencije u 2017. godini (u daljem tekstu: Komisija) dostavila je Izvještaj o radu broj 16-12-16-2626/17 od 31.05.2017. godine sa preporukom o izboru najpovoljnijeg ponuđača u postupku javne nabavke kancelarijskog namještaja za potrebe Agencije.

Obzirom da je tačkom 6. Konkurentskog zahtjeva navedeno da je rok za dostavljanje ponuda 10.05.2017. godine do 13,00 sati, te da se ponude dostavljaju u zatvorenoj koverti, Komisija je dana 10.05.2017. godine u 14,00 sati izvršila javno otvaranje ponuda prema datumu i vremenu prijema.

Blagovremeno su dostavljene dvije ponude i to:

Redni broj.	Naziv ponuđača	LOT	Vrijednost ponude (bez PDV-a)
1.	„KRANING“ d.o.o. Puračić	LOT 1	23.005,00 KM
		LOT 2	7.365,00 KM
		LOT 3	4.800,00 KM
2.	„MIRA MAR“ d.o.o. Foča	LOT 2	8.788,00 KM
		LOT 3	5.820,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju

ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Uvidom u sadržaj dostavljenih ponuda Komisija je utvrdila da ponuđači „KRANING“ d.o.o. Puračić i „MIRA MAR“ d.o.o. Foča ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti.

Također, Komisija je utvrdila da navedeni ponuđači pored kvalifikacionih uslova ispunjavaju formalno-pravne uslove iz Konkurentskog zahtjeva, te da ponuda ponuđača „MIRA MAR“ d.o.o. Foča podliježe primjeni preferencijalnog tretmana domaćeg.

Naime, uvidom u dostavljenu ponudu ponuđača „MIRA MAR“ d.o.o. Foča, Komisija je utvrdila da je isti dostavio Potvrdu Privredne Komore Republike Srpske o primjeni preferencijalnog tretmana domaćeg broj 04-04-821/17 od 05.05.2017. godine. U skladu sa Odlukom o obaveznoj primjeni preferencijalnog tretmana domaćeg („Službeni glasnik BiH“, broj 83/16) Komisija je prilikom obračuna cijena ponuda u svrhu poređenja ponuda umanjila cijenu ponude ponuđača „MIRA MAR“ d.o.o. Foča za LOT 2 i LOT 3 za preferencijalni faktor od 10 %, tako da cijena ponude za LOT 2 uz primjenu preferencijalnog tretmana domaćeg iznosi 7.909,20 KM, a cijena ponude za LOT 3 uz primjenu preferencijalnog tretmana domaćeg iznosi 5.238,00 KM.

Kako je Konkurentskim zahtjevom traženo da ponuđeni namještaj mora odgovarati zahtjevima navedenim u tehničkoj specifikaciji, to je Komisija aktom od 15.05.2017. godine, zatražila mišljenje Sektora za materijalno-finansijske poslove u smislu da li ponuđeni namještaj kvalifikovanih ponuđača odgovara zahtjevima navedenim u tehničkoj specifikaciji. Sektor za materijalno-finansijske poslove je aktom od 17.05.2017. godine, dostavio mišljenje u kome je navedeno da dostavljene ponude zadovoljavaju tehničke uslove postavljene Konkurentskim zahtjevom, s tim što su u ponudi ponuđača „KRANING“ d.o.o. Puračić, za dimenzije pojedinih stavki najvjerovatnije greškom upisane jedinice mjere u centimetrima, a u Konkurentskom zahtjevu su tražene u milimetrima, a da se radi o grešci vidljivo je iz samih fotografija koje su dostavljene u ponudi.

Obzirom na navedeno, Komisija je dana 19.05.2017. godine ponuđaču „KRANING“ d.o.o. Puračić uputila zahtjev za pojašnjenje dostavljene ponude u smislu pojašnjavanja dimenzija za pojedine stavke iz kataloga namještaja. Ponuđač „KRANING“ d.o.o. Puračić je dana 22.05.2017. godine dostavio akt, u kojem su pojašnjene dimenzije za pojedine stavke iz kataloga namještaja u skladu sa Konkurentskim zahtjevom.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene tehnički zadovoljavajuće ponude iz tačke 8. Konkurentskog zahtjeva, sačinila rang listu ocijenjenih ponuda, počev od najuspješnije ka najmanje uspješnoj, kako slijedi:

Redni broj.	LOT	Naziv ponuđača	Vrijednost ponude (bez PDV-a)
1.	LOT 1	„KRANING“ d.o.o. Puračić	23.005,00 KM
2.	LOT 2	„KRANING“ d.o.o. Puračić „MIRA MAR“ d.o.o. Foča	7.365,00 KM 7.909,20 KM (uz primjenu preferencijalnog tretmana domaćeg 10%)
3.	LOT 3	„KRANING“ d.o.o. Puračić „MIRA MAR“ d.o.o. Foča	4.800,00 KM 5.238,00 KM (uz primjenu preferencijalnog tretmana domaćeg 10%)

Nakon sačinjavanja rang liste ocijenjenih ponuda Komisija je konstatovala da ukupna ponuda najpovoljnijeg ponuđača „KRANING“ d.o.o. Puračić za LOT 1 u iznosu od 23.005,00 KM bez uračunatog PDV-a, premašuje procijenjenu vrijednost javne nabavke za cca. 44 %.

Komisija je aktom broj 16-12-16-2626/17 od 22.05.2017. godine od strane Sektora za materijalno-finansijske poslove, tražila mišljenje po pitanju obezbjeđenja dodatnih novčanih sredstava za realizaciju predmetne nabavke. Sektor za materijalno-finansijske poslove aktom broj 16-12-16-2626/17 od 23.05.2017. godine, dostavio je Komisiji informaciju da je prekoračenje procijenjene vrijednosti javne nabavke za LOT 1 značajno, te da nije moguće obezbijediti dodatna novčana sredstva za realizaciju predmetne nabavke za LOT 1.

Nakon provedenog postupka ocjenjivanja dostavljenih ponuda, Komisija je utvrdila da je ponuda ponuđača „KRANING“ d.o.o. Puračić ocijenjena kao najpovoljnija za LOT 2 i LOT 3, dok za LOT 1 nije dostavljena niti jedna prihvatljiva ponuda.


Shodno navedenom, prihvaćen je prijedlog Komisije i odlučeno da se ugovor o kupoprodaji kancelarijskog namještaja dodjeli za LOT 2 i LOT 3 ponuđaču „KRANING“ d.o.o. Puračić, kako je navedeno u članu 1. ove odluke, te da se poništi postupak javne nabavke za LOT 1, obzirom da nijedna od dostavljenih ponuda nije prihvatljiva, shodno članu 69. stav (2) tačka e) Zakona.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x,
- Sektoru za mat.-fin. poslove,
- a/a.



DIREKTOR  
GLAVNI GENERALNI INSPEKTOR POLICIJE

Đerica Stanić